

Grad Novi Pazar  
Skupština grada  
Odbornička grupa SDA Sandžaka  
Novi Pazar  
24. oktobra 2021. godine

**P R E D S J E D N I K U  
SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O PROVJERI VALIDNOSTI DIPLOMA O STEČENOJ STRUČNOJ SPREMI ZAPOSLENIH U GRADSKIM UPRAVAMA, JAVNIM PREDUZEĆIMA I USTANOVAMA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 25. oktobra 2021. godine.

**Predsjednik odborničke grupe**  
Ahmedin Škrijelj

Na osnovu člana 32. stav 1. tačka 20), člana 52. stav 1. tačka 2), člana 71. stav 2. Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 147. Statuta grada Novog Pazara („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 25. oktobra 2021. godine, donosi

## **O D L U K U**

### **o provjeri validnosti diploma o stečenoj stručnoj spremi zaposlenih u Gradskim upravama i javnim preduzećima i ustanovama**

#### **Član 1.**

Nalaže se načelnicima gradskih uprava grada Novog Pazara i organima upravljanja u javnim preduzećima i ustanovama čiji je osnivač grad Novi Pazar da, na zakonu propisan način, izvrše provjeru validnosti diploma o stečenoj stručnoj spremi članova Gradskog vijeća, pomoćnika gradonačelnika, direktora javnih preduzeća i ustanova, drugih imenovanih i postavljenih lica, kao i svih zaposlenih u Gradskim upravama, javnim preduzećima i ustanovama.

#### **Član 2.**

Nalaže se načelnicima gradskih uprava grada Novog Pazara i organima upravljanja u javnim preduzećima i ustanovama čiji je osnivač grad Novi Pazar da Skupštini grada, do 30. novembra 2021. godine, podnesu izvještaj o izvršenju obaveze utvrđene članom 1. ove odluke.

#### **Član 3.**

Ovu odluku objaviti u “Službenom listu grada Novog Pazara”.

## **SKUPŠTINA GRADA NOVOG PAZARA**

Broj:

U Novom Pazaru, \_\_\_\_\_. \_\_\_\_\_. 2021. godine

**PREDSJEDNIK**

Dr. Anela Šemsović

## **O B R A Z L O Ž E N J E:**

### **Pravni osnov za donošenje akta:**

Pravni osnov za donošenje ove odluke je sadržan je u:

- članu 32. stav 1, tačka 20) Zakona o lokalnoj samoupravi;
- članu 52. stav 1. tačka 2) Zakona o lokalnoj samoupravi;
- članu 71. stav 2. Zakona o lokalnoj samoupravi;
- članu 147. Statuta grada Novog Pazara
- članu 137. Poslovnika Skupštine grada Novog Pazara

### **Razlozi za donošenje akta:**

Polazeći od činjenice da je osnovna funkcija lokalne samouprave da upravlja poslovima od interesa za lokalno stanovništvo, proizilazi obaveza da poslove iz sistema lokalne samouprave moraju obavljati stručni kadrovi odnosno zaposleni, uključujući i sve vrste funkcionera i rukovodioca.

Imajući u vidu činjenicu da je neophodno povećati kvalitet usluga koje pruža lokalna samouprava, uključujući i sve službe u njenom sastavu te povećati evidentno odsutnu transparentnost u radu i zapošljavanju, potrebno je sprovesti određene mjere kako bi se ispunili navedeni ciljevi.

Prvi korak ka povećanju kvaliteta rada, uspostavljanju sistema odgovornosti i vraćanju izgubljenog povjerenja građana u lokalnu samoupravu jeste provjera validnosti diploma o stečenoj stručnoj spremi.

Lokalna samouprava je dužna da na transparentan način vodi kadrovsku politiku, te da, oni koji odlučuju i određuju smjer rada i politiku lokalne samouprave, ponesu odgovornost pred građanima i široj javnosti.

Uzimajući u obzir naprijed navedeno, kao i sve češću pojavu falsifikovanja diploma u stručnoj spremi ili nevjerođosnojnih isprava o stepenu stečenog obrazovanja, i odsustvo prethodne provjere diploma prije zasnivanja radnog odnosa ili radnog angažovanja, stavlja pred Grad Novi Pazar obavezu da pokrene postupak provjere diploma za sve funkcionere, rukovodioce ali i zaposlene u cjelokupnom sistemu lokalne samopurave.

Hiperprodukcija kadrova sa visokom stručnom spremom te politički uticaj koji je presudan u njihovom zapošljenju ukoliko se ne upostave zaštitni mehanizmi i pooštri kontrola zapošljavanja može proizvesti katastrofalne posledice po samu lokalnu samoupravu a u prvom redu po građane.

Skupština grada Novog Pazara donošenjem ove odluke o obaveznoj provjeri validnosti i vjerodostojnosti diploma vraća povjerenje u gradske institucije i uvodi sistem kontrole koji do sada nije postojao,

Donošenjem ove odluke stvara se kvalitetan sistem kojem građani mogu vjeruju, koji je sastavljen od stručnih i sposobnih kadrova koji mogu da odgovore na sve potrebe i probleme građana.

Donošenjem ove odluke ispraviće se i eventualne greške i nepravde koje su učinjene te će se poduzeti adekvatne mjere za utvrđivanje odgovornosti ukoliko se provjerom diploma utvrdi da su zapošljavana lica koja nisu na zakonit način stekla stručnu spremu odnosno stručno zvanje.

#### **Objašnjenje pojedinih rješenja propisanih ovim aktom:**

**Član 1:** Ovim članom odluke propisano je da načelnici gradskih uprava i organi upravljanja u javnim preduzećima i ustanovama izvrše provjeru validnosti diploma o stečenoj stručnoj spremi članova Gradskog vijeća, pomoćnika gradonačelnika, direktora javnih preduzeća i ustanova, drugih imenovanih i postavljenih lica, kao i svih zaposlenih u Gradskim upravama, javnim preduzećima i ustanovama.

**Član 2:** Ovim članom utvrđen je rok za izvršenje obaveze iz člana 1. Odluke.

**Član 3:** Propisana je obaveza objavljivanja ovog akta u „Službenom listu grada Novog Pazara“.

**Finansijska sredstva za sprovođenje ove odluke nisu potrebna.**